

عائش معوج



مسمرت كعابك في الأرض
وكأنك بتشدّ البر اللي بيغرق..
من وسط البحر
وبتشكي انك...
واقف على ظهر الموج
أو إنك عائش معوج
مع إنك...
بتصلّي السنّة..
وبتصلّي الفرض
ومتحمّل م الدنيا رزالة
لما تجيب البرد ف عز الحر

لما بتتكش.. وبتتبش

على حب المر

وبتاخذ من عمرك

بأطول والعرض

وتسيبك...

ع الجبل العالى لوحدك

مع ريح قلابة

وتشدّ الحبل.. اللي بيربط سعدك

فبتفرط أيامك.. في سحابة

مش عارف امتى وفين هاتمطر

وعشانك غلبان...

من غُلبك مش قادر تتشطر

حبّاتك تصرخ.. تتوجّع

وبتتكفى.. ومش قادر تشبع

أحزان وهموم

وتسمّر ف كعابك تاني

وتعيد السكّة من الأول

وتخاف لا الحلم يطوّل

وتقوم م النوم

ما تشوفش البر